



Inatsisartunut ilaasortaq Olga P. Berthelsen  
Inatsisartut Allattoqarfia  
/Maani

### § 36 naapertorlugu apeqquteqaammut akissuteqaat 2010-223

Akinissamut killingititaasup eqquutsinneqarsimanginnera aallaqqaasiutigalugu ajuusaarutigineqassaaq. Tamanna pissuteqarpoq, ukiuni kingullerni Naalakkersuisuni ilaasortaasarsimasut maannakkullu Naalakkersuisuusut ataasiakkaat ineqarnermut tapiissutisarisarsimasaat pillugit paasissutissat aalajangersimasut pissarsiariniarnerannut atatillugu annertuumik allaffissornikkut sulisariaqarsimaneq. Suliaq suli ingerlavoq, paasissutissallu ataasiakkaat suli amigaataammata suli naammassineqarsimanani. Ukiuni kingullerni tallimani Naalakkersuisuni ilaasortat ataasiakkaat ineqarnerminnut akiliutigisarsimasaasa allattorsimaffiat paasissutissat tiguneqariarpata nassiunneqassaaq.

Naalakkersuisut siulittaasorisimasaata maannakkullu siulittaasuata ineqarnermut akiliisussaataanginnerannut tunngatillugu naatsorsuinermi Akileraarnermut Aqutsisoqarfiup ilisimatitsissutigaa, Akileraarnermut Siunnersuisoqatigiit aalajangernerat tunngavigalugu ukioq akileraarfiusoq 2002 aallarnerfigalugu 45.000 kr.-inut aalajangersarneqarsimasoq. Aningaasat taakku iluaniipput ineqarnermut akiliut, innaallagissamut, imermut kiassarnermut aamma oqarasuaateqarnermut aningaasartuutit, illup ilasseqatigiinnernut atatillugu atornerqartarneranik tunngaveqartut.

Atorfeqarnermut atatillugu inigisamik najugaqartussaataitanermut akiliutip sooq nalimmassarneqarsimanginneranut tunngatillugu apeqqummut, Naalakkersuisut Siulittaasuata Naalakkersuisoqarfianut paasissutissiineq tunngavigalugu, atorfimmut atatillugu inigisamik najugaqartussaataitanermut akiliutip nalimmassarneqarsimanginneranut akissut ersernerluppoq. Taamaattorli ilisimatitsissutigineqarsinnaavoq, Aningaasaqarnermut Sulisoqarnermullu Aqutsisoqarfimmit 2010-mi ineqarnermut akit qaffasissusianut atatillugu inigisamik ineqartussaataitanermut akiliutit nalimmassarneqartalernissaat siunertaralugu paasissutissanik pissarsiniarneq sulissutigineqalersimammat.

Inussiarnersumik inuulluaqqusillunga

Palle Christiansen

22. november 2010  
Suliapnormua 2010-041312  
Dokumentip normua 507078

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@nanoq.gl  
www.nanoq.gl